

Tierli Plage

Schtärneföifi

Refrain

Me törf kei Tier-li pla - ge, das tuet de Tier-li weh. Me
 törf kei jun-gi Hünd ver-sa-ge und au keis Ka - mel.

Strophe 1

Kä Schtei uf d'Än-te rüe - re dass kä - ni Was - ser schluckt Au
 d'Schwän nöd bom - bar - die - re die wer - ded suscht ver - ruckt Nöd
 schtrii - te mit em La - ma suscht schpeuzt eim s'La - ma aa Nöd
 rii - te uf de Ams - le Will sie suscht nümm flüü - ge cha. Me...

Refrain Me törf kei Tierli plage, das tuet de Tierli weh
 Me törf kei jungi Hünd versage und au keis Kamel

Strophe 2 Kei Heugümper dressiere, nöd riisse a de Flügel
 Mit Chüngel nöd jongliere und erscht rächt nöd mit Igel
 Kei Ameise aazünde, nöd tschuute mit de Frösch
 En Fisch ghört nöd in Hosesack, en Hamschter nöd i d'Wösch

Refrain Me törf kei Tierli plage, ...

Strophe 3 Kei Lüüs im Bett verschtecke, die wärded sich suscht wehre
 Kei Flädermüüs go wecke, kei Schildchrotte umchehre
 Kei Tuusigfüessler fessle, kei Hüener zämebinde
 Aber törfsch natürlig no paar Schtrophe meh erfinde

Refrain Me törf kei Tierli plage, ...